

通義堂文集

戊午仲秋

通義堂文集

朱益藩署



敘

唐虞之盛工皆世官用高曾之架獲而兌垂遂以名千秋一技且然况於儒術我

朝乾嘉以來孳經饋史方聞之彥必推江南惠戴以六書倡導後進海內嚮風殯前弁陋閭汶之無謂也雲集枹應嘉定高郵金壇咸樹旗鼓築壁壘以相雄傑阮太傅摻精掇華輯爲一書曰經籍纂詁郁郁彬彬蔑以加矣顧吾思之昔祭酒十有四冊非公乘何以上聞越至於今紅豆三世濟美少詹文簡子弟景行又如艮庭賴有鐵君非灼驗耶余同年儀徵劉君伯山沈潛敏銳同

人望而卻步上承孟瞻年丈之庭誥下牖諸郎恭甫四
子之義方蓋惠氏王氏之續也伯山歸道山恭甫惜不
中壽余歎青溪老屋弦誦或輟矣豈意良甫昆季竟克
較刊君通義堂文集壽世哉召陵之表章南閣千載一
軌也伯山爲學務在推類通達問一得三其曼衍灝瀚
若渤海上潮雲霞煥爛魚龍百族出沒變化觀者神眩
目迷莫能辨方旁引涕漑淮河江沔颿檣四達非徒窮
一水之源委而已也余不知良甫諸君將如簞詁之無
吐棄耶將如近賢之有通檢撮要辨疑雜識之有決擇
也是非善繼述者不能矣嗚呼察蹏遠之跡而知形依

齊楚方言伊緩異詞而辨聲茲已難矣迺復由本義而
引申之旁通之段借之遂極五音之繁會采色之絺繡
焉作者述者讀者之相待其思名氏於舊德而

盛世乃多孝友之儒也時光緒十一年八月江甯汪士
鐸撰



通義堂文集序

吾郡學術之正盛於乾隆中葉先有任顧賈汪王劉之
學後卽有焦阮鍾李江黃之學再後則有凌劉之學劉
氏之學出於凌氏而益修其業演迤三世遂爲吾揚學
術之大殿其前於劉氏者得之而愈彰焉劉自孟瞻先
生青溪舊屋集出精蘊內斂若弓之受檄田之有畔謹
守師法者宗之至伯山先生每立一說務在推闡其義
甯繁不殺如赴五都之肆縑賄雲集而已以大胥市尉
爲之辨別良楮使邪贏居奇者不得蚩衙故乍觀其詞
一若秦近君之說堯典其實則自立一幹雖枝葉扶疏

垂蔭蔽歆叩其條而振之無不阿那隨風此學術之富
舉其膏馥足以沾漑數十百輩在伯山先生稍前則有
黟人俞氏正變學頗相似俞氏泛濫於道釋先生取證
於典籍其自爲一例隳括舊說別疏所出見於子注較
之俞氏繁僂博引致累正文不同蓋猶是高郵王氏之
學特廣大其門庭衢術無異悒也先生通義堂集凡數
十萬言其門子恭甫君爲刻數卷前列原書之目余以
目中論漢藝文志某家出於某官意必恢奇可喜昔交
文孫張侯申叔皆許借鈔未果張侯橫隕申叔浪迹會
海內俶擾郡城數警謙甫誠甫兩君抱遺書而遁此集

幸未失墜謙甫君館於南林劉翰怡京卿所京卿請其
橐而刻之至是海內宗仰先生學術者不致有俄空缺
如之歎衰陋如余求之二十年一旦得誦其說豈非厚
幸耶俞氏癸巳類橐存橐兩種王菽原張石洲以師友
之誼爲之謀刻不足爲異京卿與先生素無淵源復當
舉世不悅學之時獨愛此司空城旦書求名山之藏而
傳之其人匪先生之幸實天下後世之幸也先生往館
秀水杜氏蘄水郭氏湘鄉曾氏皆力能傳其集而不獲
當館杜時爲纂古謠諺月修數金饗殮不繼頃觀集中
代杜撰序例從容自適略無愁窘之狀於是知先生爲

人謀忠而於處已雖困彌亨可以想見今京卿之誼旣
高於杜郭及兩曾氏復使謙甫誠甫二君垂暮之年得
覩先人遺集盡播於世其感誦宜何如余以重念吾郡
學術之衰竊喜先生全集告成誠有如古人喜心倒極
翻致嗚咽又不禁破涕爲笑也庚申仲夏興化後學李
詳

通義堂文集序

我朝經學之盛陵越前載尤莫盛於乾隆一朝傳經家則以江左爲淵藪羣經小學皆有纂述若惠氏士奇張氏惠言之於易孫氏星衍江氏聲之於書陳氏奐之於詩凌氏廷堪之於禮段氏玉裁之於說文王氏引之於廣雅其精誼通識直躋東西京六代而下莫能望其項背也羣經猶有不及治者嘉道諸老復賡續之春秋三傳號爲紛岐尤難董理於是句容陳卓人立治公羊丹徒柳賓叔興宗治穀梁而儀徵劉文淇孟瞻治左氏左氏奧博出公穀右又丁赭寇之亂孟瞻先生不獲

卒業以傳伯山先生毓崧再傳恭甫先生壽曾恭甫先生弟謙甫誠甫兩丈與本生家君爲戊子同歲生子生也晚於劉氏三先生不獲奉手而謙甫丈左子校勘羣籍者數年敦篤朴誠不邇雕俗畸說晨夕與其乃得習聞伯山先生之學蓋上承孟瞻下開恭甫巋然爲江淮大師予益鄉往之一日謙甫丈出通義堂文集十六卷相示則伯山先生所箸也予紬繹再四略窺其藩說經之文得泰半其雜文亦博雅淹貫抗希作者每樹一義必求其通每申一解必竟其緒不爲不根之辭亦不鄉壁虛造與近世說經家守誤文孤證穿鑿傳會之習其

論辨近龔定庵而無其偏宕其攷證近俞理初而無其
曼衍其校勘近顧千里而無其專斷蓋闡然粹然一代
通儒也卽以文論自桐城派興往往貌爲高簡若吐若
茹不敢盡其辭序書則宗旨不晰序人則義行不詳讀
者嘗愴兮惚兮而無豁然貫通之一候先生之文氣疎
以遠旨博以醇懼讀者之有所扞格也則旁引曲證以
窮其端委懼讀者之有所疑罔也則精辨堅斷以歸諸
眞實若桐城派之若吐若茹則先生所不屑矣抑予更
有願焉劉氏三世治左氏而未卒業謙甫丈其益續述
先緒俾告厥成先生有知或亦默爲心許也邪序旣竟

而復以左氏敦謙甫丈丈當亦願參筆削之微旨邪歲
在庚申仲冬之月吳興劉承幹

通義堂集目錄

卷一

周易履霜履讀爲禮解上篇

周易履霜履讀爲禮解下篇

莧陸當作莧睦解上篇

莧陸當作莧睦解下篇

周易集解跋上篇

周易集解跋下篇

卷二

方氏易學五書序

方氏易學五書後序

郭生子貞周易漢讀考序

書易緯通卦驗鄭注後上篇

書易緯通卦驗鄭注後下篇

丁儉卿先生易林釋文跋

陶式型山中讀易圖序

成芙卿禹貢班義述序

代

與成芙卿書

尙書引義跋

有字訓狀物之詞說

傳箋重言釋一字說

張薜園毛詩鄭讀考序

與劉叔俛書

卷三

周官周禮異名考

大夫以上先廟見後成昏說上篇

大夫以上先廟見後成昏說中篇

大夫以上先廟見後成昏說下篇

兼祧之禮合乎古義說

禁遷葬者與嫁殤者考